



# ATASSUT INATSISARTUNI

Nuuk ulloq 8. September 2015

Inatsisartut suliariaasianni § 37, imm. 1 naapertorlugu Nalakkersuisunut apeqqut una matumuuna nassiuppara:

## **Nioqqutissanik kiffartuussinermillu pisisarnej**

**Apeqqut 1 : Namminersorlutik oqartussat nioqqutissanik kiffartuussinernillu pisiniartarnermut politikkeqarpat, pisiniartarnerit tamaasa matumani pineqarput – annerusut minnerusullu – tamatigut akikinnerpaamik akeq pingaartinneqarnerpaasarpa inuiaqatigiit aningaasaqarniarneranut sunniuteqarsinnaanera pinnani**

**Apeqqut 2 : Arlaatigut akornutissaqarnerluni namminersorlutik oqartussat nioqqutissanik kiffartuussinernillu pisiniartarnermut politikkianni inuiaqatigiit aningaasaqarneranut pitsaanerpaamik sunniuteqarsinnaasumik tunngaviusumik anguniagaqarsinnaaneq?**

**Apeqqut 3 : Apeqqutip aappaani akornutissaqarsimappat, taava Naalakkersuisut qanoq iliorsinnaappat akornutaasinnaasut aningorniarnissaannut?**

**Apeqqut 4 : Sumiiffimmi qaninnerpaamiittumiit pisinissamut akornutaasimappat nunanut allanut aningaasaqarnikkut isumaqatigiissuteqarsimaneq taamaasillunilu aamma pisiniarnissamut periaatsinik isumaqatigiissuteqarneq, taava isumaqatigiissusiornermi illuatungeriinni sorleq aningaasaqarnikkut iluanaaruteqarnerpaava?**

**Apeqqut 5 : Isumaqatigiissutinit aningaasarsiornikkut Kalaallit Nunaannut iluanaarut qanoq inissisimava niueqatigisat pisortat niuernerme aningaasaqarnerinut periarfissaqarneranut sanilliullugu?**

**Apeqqut 6 : Naalakkersuisut qanoq iliorlutik qulakkeerniarpaat, niuerttut sumiiffimmi qaninnerpaamiittut suliasaqartinneqarsinnaanissai akit neqeroorutigisinnaasai qaffasinnerulaarpata pilersuisut nunani allaneersunut sanilliullugu, suliakkiernerme imaluunniit pisinermi pilersuisup suliamik naammassiniaanerminni sulisoqarnissamik imaluunniit ilinniartuuteqarnissamik piumasqaataaangippat?**

**Apeqqut 7 : Qanoq iliorlutik Naalakkersuisut qulakkeerusuppaat namminersorlutik oqartussat tamatigut inuiaqatigiit aningaasarsiorneranut tamanit pitsaanerpaamik sunniuteqarluarnerpaamik sumiiffimmi qaninnerme niuernissap qitiutinneqarnissaa?**

(Inatsisartuni ilaasortat Steen Lyngé, aamma Siverth K. Heilmann, ATASSUT)

## **Tunngavilersuut:**

Kalaallit Nunaat EU-mik niueqatigiinnermut isumaqatigiissuteqarpoq tamatumallu saniatigut aamma EU-mit aningaasarsiornermut tapiissutisarluni. Kalaallit Nunaat EU-mut ilaasortaangilaq aamma EU tunngaviusumik ileqqorivaat pisortat suliarinnittussarsiorneri EU-mi ilaasortanut tamanut ammasuunissaat.



## ATASSUT INATSIARTUNI

---

Tassa imaappoq, pisortat suliarinnittussarsiuleraagata taava EU-p piumasarisinnaavaa suliarinnittussarsiorneq EU-mi ilaasortanut tamanut ammasuunissaa. Kalaallit Nunaat ileqqunut taakkununga pituttorsimavoq EU-mut isumaqatigiissuteqarnermi taamaattumillu aamma ammasumik suliarinnittussarsiortussaatailluni aamma EU-mi ilaasortanut. Namminersorlutik Oqartussat niivernerminni suliffeqarfiit nunatta avataaneersut pisiffigigaangamikkik, nunatta suliffeqarnikkut aannaasaqaatigisarpaa. Nunatsinni suliffeqarfiit suliffeqarfiit nunatta avataaneersut unamillersinnaanngimmatigit.

Ajornartorsiullu tassa tassaniippoq, suliffeqarfiit EU-meersut allaqqinnaanik periarfissaqarput aammalu annertussutsimikkut iluaquteqarnertik iluaqutigalugu, tassanili kalaallit suliffeqarfiutaii allaqqinnaanik unamilligassaqarput ikittuinnarnik pisisartoqarnermikkut. Taamaattumik takornartaanngilaq sumiiffimmi qanittumi suliffeqarfiit akisunerusarneri nunani allani amerlanerusunik pisisartulinnut naleqqiullugu.

Tassunga ilanngullugu aperisoqarsinnaavoq Kalaallit Nunaata EU-mik niiveqateqarnermi isumaqatigiissutaasut tunngavigalugit assigiinngitsumik iluaquteqarnerneq, tassani EU annertunerneq iluaquteqarnerneq. EU Kalaallit Nunaannik isumaqatigiissuteqarnermigut niueqatigiinnermi iluanaaruteqarnerua Kalaallit Nunaannut sanilliullugu? Taamaassimappat, taava isumaqatigiissut naleqqutinnigilaq, Kalaallit Nunaannut aningaasarsiorneq immiut napatissinnaanermut tulluannngimmat. Taamaassimappat isumaqatigiissut allangortittariaqarpoq taamaaliornikkut pisortat pisiniartarneranut ileqqut allat atornerqarsinnaalersillugit, Kalaallit Nunaata pisortat aningaasaataat pitsaaneruseq inuiaqatigiit aningaasarsiorneranut sunniuteqarluarnerussappat.

Qinnutigissavarput akissuteqaat, kingusinnerpaamik ullut suliffiit naliginnaasut qulit iluini tigussinnaassallugu. Akineqarnerpullu tunngavigalugu nalileqqikkumaarparput suliaq malersuqqittariaassanersuq.